

Ponovo u svojoj školi - nakon 10 godina

Nedjelja, 13.01.2013. U školske klupe bivše Medrese „Dr. Ahmed Smajlović“, sadašnje Islamske gimnazije dr. Ahmeda Smajlovića, ponovo su sjeli, nakon 10 godina, njeni učenici 7. generacije.

Medresu su upisali 1998., a završili nakon četiri godine, 2002. Danas su sretni roditelji, majke i očevi, imami i muallime, učitelji i učiteljice a bogme ima i političara. Generacijskom susretu odazvala se većina njih i njihovih profesora, pozvanih na poslijepodnevno druženje u Divanhanu i na svečani ručak u Restoranu Islamskog centra u Zagrebu.

Uzbuđenje i oduševljenju zbog ponovnog susreta nisu krili ni oni ni njihov bivši razrednik dr. Aziz ef. Hasanović, a ni nekadašnji profesori koji su se pozivu odazvali: prof. Murat Hadžismajlović (prije 10 godina ravnatelj Medrese, a danas umirovljenik), prof. Mevludi ef. Arslani (danas ravnatelj Islamske gimnazije), hafiz Aziz Alili (danas glavni imam zagrebački), mr. Mirza ef. Mešić (tada mladi profesor koji je tek počeo raditi u svojoj školi – jer je i sam završio istu Medresu, danas imam zagrebački i profesor u Islamskoj gimnaziji) te bivši tajnik Medrese Avdo ef. Imširović (i danas profesor u Gimnaziji). Pozivu se odazvala i profesorica hrvatskog i bosanskog jezika (učenici su u Medresi učili i standardni bosanski jezik i književnost BiH) prof. dr. Remzija Hadžiefendić-Parić (danas, također, profesorica u islamskoj gimnaziji).

Proučena je Fatiha dragim profesorima koji su preselili na Ahiret i svim drugim ljudima koje su nekadašnji maturanti sretno sretni u prostorima Isl. centra, a danas ih više nema.



Onda je, uz različite slastice (a bilo je tu i hurmašica, baklava, sevidžana, torti...), iz kuhinje vlastitoga doma naših bivših medresantica, uz neizostavnu džezvu i findžane, počela prozivka bivšeg razrednika Aziza ef. Hasanovića, sada muftije i predsjednika Mešihata IZ u Hrvatskoj.

„Godišnjak generacije“, koji su pripremili, sa svojom tadašnjom profesoricom hrvatskog i bosanskog jezika, davne 2002., kad su bili maturanti/ice, bio polazna točka za ugodan razgovor, pun sjećanja... U „Godišnjaku“ su, naime, bila zabilježili, skao od njih, kako sebe vidi nakon deset godina. Bivši je razrednik, muftija Aziz ef. Hasanović, čitao šta se to bilo očekivalo prije decenije, a svaki je bivši učenik onda rekao što je dans, gdje je, čime se bavi... Pokazalo se je većina ranomladenačkih snova ove generacije ispunjena. San je gotovo u potpunosti postao stvarnost. Ili čak i više od njega!



Svojim su se učenicima obratili i bivši ravnatelj i profesori, koji su učinili da prenošenjem znanja i odgojem snovi mladih ljudi postanu stvarnost. Prisjetili su se mnogih lijepih trenutaka (a i bilo ih je najviše) četverogodišnjeg školovanja.

Bilo je to jedno lijepo sjećanja biviših učenika i njihovih profesora. Nekadašnji su se učenici Zagrebačke medrese „Dr. Ahmed Smajlović“ zahvalili svojim bivšim profesorima i odgajateljima na svim onim lijepim trenucima koje su doživljavali u svojoj školi.



Bili su posebno obradovani podacima o uspješnosti rada Islamske gimnazije, sljedbenice njihove Medrese.

Druženje, koje se nastavilo do kasnih večernjih sati, ostat će nezaboravno. I kad je došao rastanak (potaknut jakim snijegom koji je padao), pala je i pokoja suza. Žalosni i zbog toga što ovom druženju nisu prisustvovali svi bivši učenici i učenice ove generacije, i svi pozvani profesori i profesorice, obećali su da će pokušati na narednom susretu okupiti, ipak, cijelu svoju generaciju.

Obećali su i da će rastanak biti puno kraći od 10 godina i dogovoren sastanak, ako Bog da, 2016. Te godine, naime, Islamska zajednica slavi 100 godina od službenog priznavanja islama u Hrvatskoj. Bit će to još jedan lijep povod da se svi okupe.



Sadžida Jukan